

四攝法

《雜阿含 668 經》

大正 668/印順 865/佛光 680 (力 TB 無)

如是我聞：一時，佛住舍衛國祇樹給孤獨園。

爾時，世尊告諸比丘（，如上說，差別者）：「若最勝施者，謂：法施；最勝愛語者，謂：善男子樂聞應時說法；行利最勝者，謂：不信者能令入信，建立於信、立戒者以淨戒、慳者以施、惡智者以正智令入建立；同利最勝者，謂：阿羅漢以阿羅漢、阿那含以阿那含、斯陀含以斯陀含、須陀洹以須陀洹、淨戒者以淨戒而授於彼。」

佛說此經已，諸比丘聞佛所說，歡喜奉行。

